

Bicol - Maraot Kaisipan Kasuratan - Bad Mind Scriptures

Genesis 26:35 Huli sainda, nagin mapait an buhay ni Isaac asin ni Rebecca.

Deuteronomio 28:65 Mayo kamong makukuang katoninongan sa mga nasyon na iyan; mayo nin lugar na pwede nindong apodon na sadiri nindo. Papadarahan niya kamo nin kahandalan, kapurisawan asin kawaran nin paglaom.

Ruth 1:18 Kan mahiling ni Naomi na desidido si Ruth sa pag-iba saiya, dai na siya naggirong.

2 Samuel 17:8 Ika an nakakaaram na an saimong ama asin an saiyang mga tawohan mga maiisog na lalaki; siring sinda kaisog sa sarong ina nin mga oso na hinabonan nin saiyang mga ogbon duman sa oma. Paralaban an saimong ama asin dai nakikumaro sa saiyang mga tawohan pagkabanggi.

Talinhaga 21:27 Ikinakauyam nin Kagurangan an sakripisyos kan tampalasan, orog na kun an katuyohan kaini maraot.

Talinhaga 29:11 Hayag kun maanggot an mangmang, alagad mayong girong na pinupugol kan madonong an saiyang kaanggotan.

Ezekiel 23:17,22,28 Nagduman saiya an mga taga Babilonia, dangan dinorogan siya. Pinagparadorogan siya ninda asin dinigtaan sagkod na mauyam siya sainda. 22 “Kaya ngunyan, Oholiba, iyo ini an itinataram ko saimo, ako, an Kagurangan Dios. Habo ka na kan saimong mga kadorogan, alagad papaanggoton ko sinda saimo asin dadarahon ko sinda tanganing palibutan ka. 28 Ini an tataramon nin Kagurangan Dios, “Itatao taka sa mga tawong naanggotan saka nauuyaman mo.

Ezekiel 36:5 “Ako, an Kagurangan Dios, nagtataram sa maimon kong kaanggotan laban sa mga nasyon sa palibot, asin sa bilog na Edom. Pano nin kaogmahan saka pagtuyatuya na sinakop ninda an sakong daga dangan sinamsaman.

Ezekiel 38:10 Ini an itinataram nin Kagurangan Dios ki Gog, “Pag-abot kan panahon na iyan, mapoon kang magplano nin maraot.

Daniel 5:20 Alagad huli ta nigin mapalangkaw siya, nigin matagas an payo saka makuri, hinale siya sa saiyang trono asin hinale man an saiyang kamurawayan.

Lukas 12:29 Kaya dai kamo mahadit o maghanap kan saindong kakakanon o iinomon.

Gibo 12:20 Naanggot nin makuri si Herodes sa mga taga Tiro asin Sidon; kaya boronyog sindang nakipaghilingan ki Herodes. Nakipagkatood ngona sinda ki Blasto, na namamahala kan palasyo, dangan nagduman sinda ki Herodes saka nakipag-olian saiya, huli ta an pagbuhay ninda hale sa daga na sakop kan hade.

Gibo 14:2 Alagad an mga pagano pinaribok kan mga Judio na dai nagturubod tanganing maanggot sinda sa mga nagtutubod.

Roma 1:28 Huli ta habo sindang magmidbid sa Dios, pinabayaan na niya sinda sa mga maaati nindang kaisipan, saka sa mga sala nindang gibo.

Roma 8:6,7 An pag-isip kan mga bagay na sa laman nagbubunga nin kagadanan; an pag-isip kan mga bagay na sa Espiritu nagbubunga nin buhay saka katoninongan. 7 Kaiwal nin Dios an mga nag-iisip kan mga bagay na sa laman, huli ta dai sinda nagkukuyog sa katonganan nin Dios saka dai nanggad sinda makakakuyog kaiyan.

Roma 11:20 Totoo iyan. Pinutol sinda huli ta dai sinda nagtubod, mantang ika isinugpon dahel ta nagtubod ka. Alagad dai ka magpaabaw-abaw, kundi matakot ka.

2 Corinto 10:5 Rinurumpag mi an mga putik na argumento; ginagaba mi an lambang kapaabaw-abawan na nakakaolang sa pakamidbid sa Dios; binibihag mi an gabos na pag-isip tanganing magkuyog ki Cristo.

2 Corinto 11:3 Alagad natatakot ako na tibaad arog ki Eva na nadaya kan katusohan kan halas, an saindong mga isip mapasuhay sa tunay saka totoong debosyon ki Cristo.

Efeso 2:3 Kita gabos arog man sainda kaidto; sinunod ta an mga bisyo kan satong laman, an mga kamawotan kan satong hawak saka isip. Huli kaini, maninigo sato kaidto an makuring padusa nin Dios arog kan iba.

Efeso 4:17 Sa ngaran nin Kagurangnan, sinasabihan ko kamo: dai

**na kamo mamuhay arog kan mga pagano na an mga iniisip mayo
nin halaga;**

**Colosas 1:21 Kaidto harayo kamo sa Dios; kaiwal niya kamo huli
kan mga maraot na ginibo saka inisip nindo.**

**Colosas 2:18 Dai magtugot na kondenaron kamo nin siisay man na
nagsasabing mas halangkaw siya, huli ta nagkaigwa siya nin
espesyal na bisyon, saka nagsasagin-sagin na mapakumbaba
asin nagsasamba sa mga anghel. An siring na tawo, maski mayo
nin dahelan, pano nin pagpapahalaga sa sadiri man sana asin
pano nin kaisipan na kinabanon.**

**1 Tesalonica 5:14 Sinasadol mi kamo, mga tugang, na patanidan
nindo an mga hugakon, pakosogon an mga maluya an boot,
tabangan an mga maluya, saka magin matinios kamo sa gabos.**

**2 Tesalonica 2:2 na dai tolos kamo maribong o mahandal huli kan
osipon na nag-abot na an Aldaw nin Kagurangnan, sa paghona
na ipinagprosesiya mi iyan, ipinaghulit, o sinurat.**

**1 Timoteo 6:5 dangan pasuruhay sa tahaw nin mga tawong dai
naggagamit kan saindang mga isip asin dai nakakamidbid kan
katotoohan. Naghohona sinda na an relihiyon sarong paagi nin
pagpayaman.**

**2 Timoteo 3:8 Siring na si Janes saka si Jambres nagtumang ki
Moises, an mga tawong ini minasalungat man sa katotoohan—
mga tawong maati an isip, asin bakong tunay an pagtubod.**

**Tito 1:15 Para sa mga tawong malinig an isip, an gabos malinig;
alagad para sa mga maati an isip asin dai nagtutubod, an gabos
maati, huli ta nadigtaan an saindang mga isip asin konsyensya.**

**Hebreyo 12:3 Horop-horopa kun paano niya natios an makuring
kaanggotan kan mga tawong parakasala, tanganing dai kamo
mapagal o magluya an saindong boot.**

**Santiago 1:8 huli ta an saiyang isip liwat-liwat dangan dai niya
aram kun ano talaga an boot niya.**